

TSHOOJ XXV: Plaub Ntug Tub Sab

- A. Fab plaub ntug no yog tias ntes tau tes los yog muaj pov thawj txaus lawm, rooj plaub yuav tau tso mus rau tsoom fwv hauv nroog los yog hauv xeev kom luag hais thiab phua lub txim mus raws txoj kev cai hauv tsoom fwv.
- B. Hmoob 18 Xeeb yuav soj ntsuam saib seb puas tsim nyog daws tau, yog tias tsis tsim nyog, tus tswv plaub yuav tau mus cuag tsoom fwv. Yog hais tias ob tog tswv plaub sib liam, Hmoob 18 Xeeb yuav nrog hais thiab tshawb kev txhaum los kho ob tog. Lub txim yuav phua rau tus ua txhaum yuav teev tsis tau. Lub txim txhaum yuav ntsuam thiab luj mus raws nyias txoj ke. Tsim nyog kho thiab tsub txim li cas los tsoom thawj coj phua plaub ntug yuav phua kom raws txoj kev txoj cai.

TSHOOJ XXVI: Plaub Ntug Lag Luam

- A. Fab plaub ntug no yuav muaj xws li rhuav tshem lus sib cog tseg, los tsis muaj lus sib cog tseg, los tsis them nqi dag nqi zog thiab ntxias dag noj dag haus. Hmoob 18 Xeeb yuav soj ntsuam saib seb puas tsim nyog daws tau, yog tias tsis tsim nyog, tus tswv plaub yuav tau mus cuag tsoom fwv. Yog hais tias ob tog tswv plaub sib liam.
- B. Hmoob 18 Xeeb yuav nrog hais thiab xyuas qhov yog los kho ob tog. Lub txim yuav phua rau tus ua txhaum yuav teev tsis tau. Lub txim txhaum yuav ntsuam thiab luj mus raws nyias txoj ke. Tsim nyog kho thiab tsub txim li cas los tsoom thawj coj phua plaub ntug yuav phua kom raws txoj kev txoj cai.

Tsab kev cai kho plaub ntug no tsim tawm los ntawm Hmoob 18 Xeeb hauv xeev Minnesota, Hmoob cov kev cai phua plaub phua ntug teev rau phau kev cai no, tau txais kev pom zoo los ntawm Hmoob 18 Xeeb cov nres xeeb, cov tuav xeeb, Koos Haum Hmoob, Koos Haum poj niam Hmoob thiab Hmoob kev txwj laus neeg tias siv tau thiab ncaj ncees rau tsoom Hmoob sawv daws. Txwv tsis pub hloov cov cai no ib qho twg li, yuav tsum muaj tshaj 51% kev pom zoo los ntawm Hmoob 18 Xeeb cov nres xeeb uas tseem tab tom yog cov coj ntawm lub administration ntawd thiaj mam kho tau los sis hloov tau.